

Na osnovu člana 63. Zakona o obrtu i srodnim djelatnostima ("Službene novine Federacije BiH", broj 35/09) i čl. 19. i 20. Zakona o organizaciji organa uprave u Federaciji BiH ("Službene novine Federacije BiH", broj 35/05), na prijedlog Obrtničke komore Federacije Bosne i Hercegovine, federalni ministar razvoja, poduzetništva i obrta *d o n o s i*

P R A V I L N I K

o visini, raspodjeli i načinu uplate članarine obrtnika i lica koja obavljaju srodne djelatnosti

Član 1. (Sadržaj)

Pravilnikom o visini, raspodjeli i načinu uplate članarine obrtnika i lica koja obavljaju srodne djelatnosti (u daljem tekstu: pravilnik) propisani su: obaveznici, osnovica, visina stope, način i rokovi plaćanja, koeficijenti raspodjele između udruženja obrtnika i udruženja lica koja obavljaju srodne djelatnosti, obrtničkih komora kantona i Obrtničke komore Federacije Bosne i Hercegovine, računi na koje se uplaćuje i nadzor nad obračunom i uplatom članarina obrtnika i lica koja obavljaju srodne djelatnosti.

Član 2. (Obaveznici plaćanja)

- (1) U skladu sa st. (1) i (2) člana 62. Zakona o obrtu i srodnim djelatnostima (u daljem tekstu: zakon) obaveznici plaćanja članarine su:
- obrtnici, koji samostalno ili u zajedničkom obrtu obavljaju djelatnost,
 - lica koja samostalno ili zajednički obavljaju srodne djelatnosti,
 - trgovačka i privredna društva i druga pravna lica, osnovana po drugim zakonima, koja su se dobrovoljno učlanila u udruženje, u skladu sa stavom (1) člana 69. zakona, odnosno u obrtničku komoru u skladu sa stavom (4) člana 84. zakona.
- (2) Izuzetno od stava (1) ovog člana za zajednički obrt/srodnu djelatnost obaveznik plaćanja članarine je svako fizičko lice koje zajednički obavlja obrt/srodnu djelatnost.

Član 3. (Nastanak obaveze)

- (1) Obaveza plaćanja članarine za obrtnike/lica koja obavljaju srodnu djelatnost koji samostalno ili zajednički obavljaju obrt/srodnu djelatnost (obavezni članovi) nastaje danom upisa u Obrtni registar.

- (2) *Obaveza plaćanja članarine za trgovačka i privredna društva i druga pravna lica, osnovana po drugim zakonima, koja su se dobrovoljno učlanila u udruženje, odnosno u obrtničku komoru nastaje danom donošenja odluke o prijemu u članstvo od strane nadležnog organa udruženja, odnosno obrtničke komore.*

Član 4. (Prestanak obaveze)

Obaveza plaćanja članarine prestaje:

- za članove udruženja, odnosno obrtničke komore iz člana 3. stava (1) ovog pravilnika danom brisanja iz Obrtnog registra,*
- za članove udruženja, odnosno obrtničke komore iz člana 3. stava (2) ovog pravilnika danom donošenja odluke o brisanju iz članstva od strane nadležnog organa udruženja, odnosno obrtničke komore.*

Član 5. (Sezonsko obavljanje, privremeni prestanak)

Odredbe čl. 3. i 4. ovog pravilnika odgovarajuće se primjenjuju na slučajeve sezonskog obavljanja obrta/srodne djelatnosti, kao i kod privremene obustave obavljanja obrta/srodne djelatnosti.

Član 6. (Odluka o članarini)

- (1) *Odluku o osnovici obračuna članarine za obaveznike plaćanja, visini stope, načinu obračunavanja i plaćanja članarine i koeficijentima raspodjele između udruženja obrtnika, udruženja lica koja obavljaju srodne djelatnosti, opštih udruženja, obrtničkih komora kantona i Obrtničke komore Federacije BiH (u daljem tekstu: Odluka) donosi Skupština Obrtničke komore Federacije BiH.*
- (2) *Odluku iz stava (1) ovog člana Skupština Obrtničke komore Federacije BiH, u pravilu, donosi krajem tekuće godine, za narednu budžetsku godinu.*

Član 7. (Osnovica obračuna)

Osnovica obračuna članarine za obaveznike plaćanja članarine iz člana 2. ovog pravilnika utvrđuje se Odlukom iz člana 6. ovog pravilnika.

Član 8.
(Visina stope, način obračunavanja i plaćanja)

Visina stope za obračun, te način obračunavanja i plaćanja članarine utvrđuju se Odlukom iz člana 6. ovog pravilnika.

Član 9.
(Koeficijenti raspodjele)

Koeficijenti raspodjele članarine između udruženja obrtnika, udruženja lica koja obavljaju srodne djelatnosti, opštih udruženja, obrtničkih komora kantona i Obrtničke komore Federacije BiH utvrđuju se Odlukom iz člana 6. ovog pravilnika.

Član 10.
(Rokovi plaćanja)

Obaveznici iz člana 2. ovog pravilnika obračunavaju i uplaćuju članarinu u rokovima dospijeća prema sljedećem rasporedu:

Tromjesečje	Datum u tekućoj godini		Zaduženje za razdoblje
	Zaduženja	Dospijeća	
I	15.02.	28.02.	januar–mart
II	15.05.	31.05.	april–juni
III	15.08.	31.08.	juli–septembar
IV	15.11.	30.11.	oktobar–decembar

Član 11.
(Uplaćivanje članarine komorama)

- (1) Članarinu obračunatu u skladu sa čl. 7. i 8. ovog pravilnika, obaveznici iz člana 2. ovog pravilnika uplatnicom uplaćuju na račun obrtničke komore kantona prema sjedištu obrta/srodne djelatnosti.*
- (2) Dio članarine, u skladu sa koeficijentom raspodjele iz člana 9. ovog pravilnika, obrtničke komore kantona uplaćuju na račun Obrtničke komore Federacije BiH.*

Član 12.
(Računi za uplatu članarine)

- (1) Članarina se uplaćuje na propisane uplatne račune prema podacima iz tabele koja se nalazi u prilogu ovog pravilnika i čini njegov sastavni dio.*
- (2) Svrha doznake je: uplata članarine za period od __ do__.*

Član 13.

(Uplaćivanje članarine udruženjima)

(1) Dio članarine, u skladu sa koeficijentom raspodjele iz člana 9. ovog pravilnika, obrtničke komore kantona uplaćuju na račun udruženja obrtnika, udruženja lica koja obavljaju srodne djelatnosti i opštih udruženja sa svog područja u rokovima dospijeća prema sljedećem rasporedu:

Tromjesečje	Datum u tekućoj godini		Zaduženje za razdoblje
	Zaduženja	Dospijeća	
I	28.02.	15.03.	januar–mart
II	31.05.	15.06.	april–juni
III	31.08.	15.09.	juli–septembar
IV	30.11.	15.12.	oktobar–decembar

(2) Članarina iz stava (1) ovog člana uplaćuje se na osnovu spiskova članova udruženja koji su potpisali pristupnicu ili imaju člansku kartu udruženja na čijem se spisku nalaze.

(3) Obrtnicima/licima koja obavljaju srodne djelatnosti, koji nisu članovi nijednog udruženja, dio članarine koji pripada obrtničkoj komori kantona u cijelosti se zadržava na računu obrtničke komore kantona.

Član 14.

(Neuplaćivanje članarine u roku)

(1) Za članarine neuplaćene u roku dospelosti zaračunavaju se zatezne kamate u skladu sa važećim propisima.

(2) Za više plaćene iznose članarine obaveznici imaju pravo zatražiti povrat više plaćenih iznosa članarine sa pripadajućom kamatom iz stava (1) ovoga člana.

Član 15.

(Zastara)

U pogledu zastare obaveze plaćanja članarine primjenjuju se odredbe kojima su definisani rokovi zastare u skladu sa Zakonom o Poreskoj upravi Federacije BiH.

Član 16.

(Kontrola)

(1) Upravni nadzor nad provođenjem ovog pravilnika vrši Federalno ministarstvo razvoja, poduzetništva i obrta.

(2) Nadzor nad obračunom, naplatom i raspodjelom članarine vrši Obrtnička komora Federacije BiH.

(3) Poslove kontrole naplate članarine, u skladu sa stavom (2) člana 62. zakona,

vrši nadležni poreski ured Poreske uprave Federacije BiH.

Član 17.
(Oslobađanje od plaćanja)

- (1) Obrtnička komora kantona izuzetno može osloboditi, odnosno otpisati, potraživanja s osnova članarine obavezniku koji je u nemogućnosti izvršiti svoju obavezu zbog privremenog zatvaranja obrta/srodne djelatnosti radi bolesti, nastupa više sile ili slično.*
- (2) Uz pisani zahtjev obrtničkoj komori kantona obaveznik je dužan dostaviti i vjerodostojne dokaze iz kojih je vidljivo nastupanje razloga nemogućnosti izvršenja obaveze.*

Član 18.
(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Federacije BiH".

*Broj : 08 – 02 – 1513/10
Mostar, 16.08.2010. godine*

*MINISTAR
Velimir Kunić, s.r.*

OBRTNIČKA KOMORA	ID BROJ	BANKA	ŽIRO RAČUN	SJEDIŠTE
OK FEDERACIJE BOSNE I HERCEGOVINE	4227560870000	Raiffeisen bank d.d. Mostar	1610200048330057	Stjepana Radića 76E, 88000 Mostar
OK UNSKO-SANSKOG KANTONA	4263261330003	Union banka Bihać	1020220000053653	Bihaćkih branilaca 47, 77000 Bihać
OK POSAVSKOG KANTONA	4254106450001	UniCredit bank d.d. Odžak	3383302200683915	Titova b.b., 76290 Odžak
OK TUZLANSKOG KANTONA	4209427200001	NLB Tuzlanska banka Tuzla	1321000309127368	Slavka Mičića 60, 75000 Tuzla
OK ZENIČKO-DOBOJSKOG KANTONA	4218531270002	Vakufska banka Zenica	1604200042487174	Kučukovići 2, 72000 Zenica
OK BOSANSKO-PODRINJSKOG KANTONA	4245053320004	Union banka d.d. Goražde	1020070000024609	Sinan paše Sijerčića 19, 73000 Goražde
OK SREDNJOBOSANSKOG KANTONA	4236416740001	HVB Central Profit banka Travnik	3389002210510797	Josipa Bana Jelačića bb, 72270 Travnik
OK HERCEGOVAČKO-NERETVANJSKOG KANTONA	4227468470003	UniCredit bank d.d. Mostar	3381002202633439	Stjepana Radića 76E, 88000 Mostar
OK ZAPADNOHERCEGOVAČKOG KANTONA	4272259770003	UniCredit bank d.d. Grude	3381402200772183	Dr. Franje Tuđmana 83, 88340 Grude
OK KANTONA SARAJEVO	4201009580000	Pro Credit banka Sarajevo	1941013100000107	Čobanija 18 – 20, 71000 Sarajevo
OK KANTONA 10	4281165270006	Hypo banka d.d. Tomislavgrad	3060050000417116	Mijata Tomića bb, 80240 Tomislavgrad